

Roy Mezas ta splica:

PAKICO ADAPTA E PROGRAMANAN DI E.P.B. Y E.P.I. NA OTRO TA NECESARIO



ORANJESTAD (AAN) -- DIARIO a conversa cu e Coordinador di Projektbureau EPI, tocante e encuentro informativo y di intercambio cu a tuma lugar dialuna ultimo entre e sectornan di Enseñanza Profesional Basico y Enseñanza Profesional Intermedio (EPB y EPI). Ta asina cu a tuma seis siman pa prepara dicho reunion. Esaki a encera diferente as-

pecto, entre otro, forma grupo di docentenan cu ta traha riba cierto vaknan y percura pa nan sa claramente kico e meta ta.

E meta ta pa entre coleganan di EPB y EPI intercambia informacion pa asina nan compronde bon kico studiantenan ta siña na school, y con e vak ta hinca den otro pa ora nan caba EPB tin tur posibilidad pa sigui studia na EPI.

Mezas a indica cu antes tabata tin hopi problema cu adaptacion y como consecuencia cierto studiantenan cu ta keda cla cu EPB no por a sigui studia na EPI.

Durante e encuentro cu a tuma lugar dialuna y cu tin intencion di haci e minimo dos bez pa aña, e docentenan a haya un tarea activo, y den esaki mester a bin un intercambio natural unda cu educadornan cu ta duna e mesun vak lo a puntra otro con nan ta desaroya nan les, con nan ta cuminda y con nan ta caba, y den ki aña nan ta cuminda cu un of otro fase di e vak.

"Hopi enfasis a worde poni pa haya coleganan cu ta bon experimenta den nan respectivo vak y cu kier a intercambia cu otro, y e preparacion tabata bastante intenso", Roy Mezas a duna di conoce.

Riba e desaroyo di e reunion, Sr. Mezas a splica cu durante e resto di dia e docentenan lo a traha den gruponan mezcla (docentenan di EPB y EPI).

Nan a dividi den diferente sector, por ehemplo, e sector tecnico cu e vaknan practico, y asina tur area, p.e., economia, salubridad, etc. tin nan seccion di practica y nan vaknan di formacion, y ta importante pa esakinan worde

balansa.

Intercambio di idea lo tabata e siguiente paso unda nan lo mester a raporta na final di e encuentro, y a base di tarea, con nan a haya cu e adaptacion ta aworaki entre EPB y EPI ta.

Roy Mezas a bisa cu muy posiblemente lo a bin acerca cu pa loke ta trata e sector tecnico, mester bin mas adaptacion na otro debi na un ke otro buraco cu ta existi den dje.

Unda cu tin cierto debilidad lo a worde señala pa asina Project Bureau bay traha riba e resultadonan y tuma accion riba esey pa un siguiente encuentro.

E meta final ta cu studian-

tenan lo por sigui studia na un manera hopi mas eficiente sin nodi haya vaknan doble; esaki ta nifica cu si nan a siña algo caba na EPB lo no tin haye di nobo na EPI, pero mas bien amplia e conocimiento ey.

E idea ta pa e tipo di enseñanza aki bira mas eficiente, y e estudiante siña loke e mester pa su trabao, logicamente, pero tambe pa su formacion personal. Pues, EPB y EPI mester ta un sistema di enseñanza consistente.

Roy Mezas a señala cu antes y tin biaha awor ainda, tin cierto sector di enseñanza unda tin ineficiencia, ya cu hopi biaha e docente sa e buki y ta kere cu esey mester siña e estudiante; pero tin biaha nan ta brinda loke no ta necesario debi cu e buki ey no ta adapta mas na e filosofia y mentalidad di awendia.

Esaki kiermen cu e programa di enseñanza mester worde adapta continuamente.

E idea ta cu EPB cu a cuminda 6 aña pasa y EPI cu a cuminda aña pasa mester tin un sistema integral cu e studiantenan cu a cuminda na EPB mester por sigui na EPI, y pa no bin topa cu tur sorto di problema, mester adapta ambos programa na otro.

Plaza
Book
Shop

HOPI
SPECIALS

Pa

Dia di bo Papa

Special

Bai awe sin falta

Fergusonstraat y Noord

TELEFONNAN DI DIARIO
826747- FAX 828551

Cumpra un cas ta mucho
mas caro pa bo?



Serca nos di Tarabana Residence un famia cu un entrada di Afls. 4.200,- por yega facil na su cas propio. No mester duna nada na man. Solamente e gastonan di traspaso di tereno y e gastonan di e contract final di financiamiento bo ta paga, y nos di Tarabana Residence lo regla e financiamiento completo pa bo.

Pa mas informashon llama 839960 of 930724
of pasa personalmente na Tarabana
Residence na Caya Betico Croes.

Horario: Djaluna - Diabierna: 10:00 - 19:00
Diasabra: 10:00 - 13:00

TARABANA RESIDENCE